

四庫全書

史部

欽定四庫全書

幸魯盛典卷二十六

聖駕臨幸闕里恭紀

日講官起居注翰林院修撰

臣陸肯堂

升中日觀下星衢

輦道風清

睿覽紆不獨方行周海岱須知演孔得真圖

其二

揚葭伐鼓泗源迴五色仙雲夾仗開魯國三千
圭竇士一時歡沸屬車來

其三

金絲堂近魯王宮五鳳遺甑嵌壁東

玉趾升階陳祝冊杏壇進爵恰當中

其四

犧象山尊自漢時軒懸翟舞奏清詩太牢祠魯
尋常事釋奠曾無九拜儀

其五

上公奉席儼橋衡詩禮堂前講義呈此日雍容
陪勸誦親聆

天語誨諸生

其六

檜樹靈根不作芽琳瑯金石淨苔花

聖心飲水尋真樂愛向庭陰汲井華

其七

曲莖

御蓋引旌旗日射曠曠樹影踈

特勅中涓留魯殿萬年長護素王車

其八

大庭遺庫墓門通瓴甌壇前楷木風縱是前朝

曾駐驂不聞拓地至千弓

其九

賜衣賜爵襲恩殊更

賜今年一縣租博士特官元聖後褒崇盛禮百王無
其十

因懷禮殿念黌居銀榜高懸映紫虛不是東巡
親御魯如何寰海降

天書

其十一

燕山白石白於霜琢就交龍額更長載入檀車
來闕里一時奎壁盡騰光

其十二

書成盛典貯三雍百世長應掌秩宗却笑祥符

晏元獻僅將靈貺頌東封

幸魯盛典告成恭紀

翰林院編修臣楊大鶴

道統在今

皇淵源洙泗長同符千載契盛典一時彰為訪尼山蹟

言登闕里堂

六飛森警蹕百辟效趨跼拂路朱旗燦迎鑾碧草芳曙暉
法駕整暮靄幔城張憩息泉林側摩挲檜樹旁衣
冠欽肅肅廟貌鬱蒼蒼禮器猶陳設麟書詎
渺茫升歌新樂府殷薦舊烝嘗仍聽金絲響
還昭俎豆香儼如親色笑寧止慕羹牆德意
原孚感標題重表揚龍鸞飛天矯金玉韻鏗
鏘苗裔承恩澤儒臣獻頌颺膠宮增氣色汗
簡有輝光未備趨承列深慚侍從行威儀餘

想象歌誦實徬徨共仰文明治欣逢景運昌

普天瞻

聖化鴻冊布輝煌

皇帝幸魯恭頌四首

翰林院修

撰臣沈廷文

中天瞻

舜日

法駕杏壇過扈

蹕千官擁鳴鑾六馭和旌旗連岱色洙泗接天波遊
豫非無事羹牆思實多

其二

羽葆臨青甸松陰夾道馳壁餘絲竹奏碑沒漢
唐詞聖學昭前代文明紀盛時東風猶有頌況
復禮

先師

其三

駐蹕非行樂崇文世所稀
笙鏞陳古樂車服識遺徽
束帛紛丹素鸞刀啓腠肥
禮優來肅拜從祀有光輝

其四

大德垂天壤鴻儀感

帝王

睿才新石碣

天語煥宮牆既錫元公嗣
還題亞聖堂

盛朝無軼事鉅典備煌煌

恭紀

聖駕東巡幸闕里詩

翰林院編

修臣沈三曾

葭瑄陽回大地春為勤

清問重時巡岱宗雲起隨

龍馭闕里風清駐

玉輪南國謳歌虞后盛東家禮樂素王親歡呼父老

傾齊魯快覩隆儀在此辰

其二

尼山衣履煥千秋前代希逢法駕留
九拜禮成
宮廟肅兩楹舞就辟雍求銀鈎迴照

天題切黃繖長懸

御氣流不似漢宮虛致敬儒林異數更無儔

其三

袞冕親臨詩禮堂經書敷講最精詳誰知

萬乘衣冠會宛見三千弟子行竹簡韋編陳

御座流泉蒼檜入

宸章顯揚文教須臾事已識風行遍四方

其四

葱鬱依然堂斧存還紆

玉輅訪秋原林禽喜逐鸞聲語著草靈因瑞氣繁欲
廣道基重拓地不收仁粟共沾恩總將聖域培
來厚長與

皇圖萬古尊

聖駕幸闕里頌

有序

翰林院編修臣張廷瓚

臣聞在天垂曜三垣聯奎壁之輝惟聖崇文百
代衍疇圖之緒道法即為治法原合政教以同
條傳政實本傳心亦統君師而竝建粵若鴻荒
肇厯羲軒初啓文明側陋凝符堯舜先傳精一
典章象數爛雲漢於穹蒼禮樂車書播風聲於

時夏造幽平而降五霸之世如冬自孔子篤生
萬古之天不夜文謨武烈納戶牖以同歸帝德
王功入甄陶而共貫譬彼流分四瀆朝宗滙滄
海之波曜走雙丸懸象麗中天之景斯文大矣
備道弘焉是以三千弟子仰泗水而傾心歷代
帝王望尼山而展祀太牢特享漢功成逐鹿之
年王爵加封唐運啓躍龍之日巍峩衮冕竟同
帝座之衣冠峻極庭軒恍若天家之陛闕元音

備六代之樂北面修再拜之文自古已然於今
為烈欽惟我

皇上超軼昊咸五登三秉聰明首出之資彌勤宵旰
當人文化成之日益事詩書

玉几橫經璀璨列丙丁之部

瑤軒側席琳瑯光甲乙之科祥烟深護西崑麗景常
依東壁聽紫禁漏聲未歇已見垂衣盼綺疏月
影全移猶催傳燭殿中允執淵源上接唐虞大

義精探圖數直窺河洛三綱八目攬修齊治平
之全功兩地參天包易簡清寧之元化用能握
乾綱而造物宇內咸春秉離照以膺圖域中無
外風雷應候日月升華澤馬飛鑣山輿結轍仁
聲肆訖遠通蟠木之鄉義問丕昭直達扶桑之
域其稽古也如彼其成化也如此乃猶遐想儒
宗緬懷先覺念彼堯封禹甸八荒皆

天子之家况茲魯境齊疆千里即聖人之宅孕星鈴於

東土錫麟紱於西郊車服圖書瞻德容之未遠
琴尊鐘鼓觀法物之常存赫靈爽於古今壁內
猶聞絲竹萃氤氲於天地堦前不產蒿萊斯誠
海宇之名區抑亦人倫之師表雖辟雍戾止已
聞京師首善之規然闕里親承益溥四海同文
之化矧觀風問俗察吏省方採哲陽之舊歌晞
榮光之新躅猶足使青圻赤縣傍

鸞馭以言情白叟黃童望

龍顏而拜手豈非達聰明目一道同風者哉於是肆播
德音誕敷

明詔解澤傳來天上巽風降自雲中陟嶽降原振薄海
懷柔之烈翕河喬嶽慰敷天衷對之心乃以康
熙甲子歲秋九月二十四日丁亥六戎宵警七
校晨羅銀箭初収金鏐乃出雨師效職先清紫
陌之塵天老呈祥直上觚稜之日飛蒼螭而戒
道環羽騎以扶輶轂轉聲騰走雷霆於地上旗

開影直翔鸞鳳於天邊晴郊宵啟帷宮暮山欲
曙廣野晨開

帳殿寒谷生春閭閻為之聚觀黎庶因而加額黃龍
青雀臨吳會以耀江干葆羽翠華登泰山而小
天下飈飛電掣岳轉川迴望溟渤以長驅睇防
陰而東指於十一月旬有七日戊寅至於曲阜
致祭

先師禮也爾時青羽司音初陽屆節天開翠色結淑

氣以中停日耀彤精協神光而上燭攬風雲之
明瑟暖律如吹撫景物之澄鮮堅冰立散宗伯
先詳故實祠官預肅章程玉戚朱干遠移太常
之樂舞山罍象勺祇修歷代之宗彝簪裾滄濟
於橋門駕鷺趨承於廣殿越翼日己卯雞人始
唱燎火爭輝

大輅旋移齋宮早降

帝顏肅穆麗晨景以照華旒

天表雍容曳清風而鳴蒼玉握文履度如見當年鳳峙
龍蹲不違咫尺牽牲贊祝嚴登降於三巡獻帛
陳樽肅威儀於九拜鼓協逢逢之節薪昭哲哲
之輝揚登歌而響遏寒雲凝肆夏而聲飄碧落
振鈞天之雅奏符聖德之大成煌煌乎僊僊乎
與玉振金聲酬答一堂之內珠庭日角授受千
載之間矣既而禮交樂備列辟方騰躍以揚休
席啓筵開

天子更傳宣而講義

輦過奎文之閣

裳垂詩禮之堂龍震則焜耀瑤階雞舌則縈旋芝檢
魚鱗在列燦黼黻於千官雁序西陳集冠裳於
五氏探聖言之秘奧啓沃攸資紹家學之源流
對揚有本新民明德總王道之津梁天尊地卑
湛六經之膏液精心闡述理晰毫芒正色敷陳
聲諧金石符昭素之講乾卦五位飛龍同頤正

之進禹謨七旬舞羽涓埃罄竭欣邀

天聽之卑綸綍溫文更荷

王言之重勗哉多士稽古何榮勉矣羣工面牆其戒斯
可謂下收葑菲廣育菁莪尊師之道全崇文之
事備矣于是周覽廣庭徧觀古蹟架丹梯而插
漢欄若神扶攢畫拱以窺天魏如嶽立華璫凝
壁掛明月於崇朝密網連珠綴奔星於長晝縹
帷晨啓恍聞四壁絃歌絳帳宵懸快覩兩楹俎

豆儀形莞爾儼泰山梁木之容列侍閭如備沂
水春風之致斑剝光騰几上周鼎商彝璘珣影
峙階前唐碑漢篆槎枒古檜標鐵幹以無枝披
拂高槐傍石岑而垂葉偃龍傳溜響清洙水橋
邊園玉栽基色映杏花壇上凡此往蹟曩規之
具在皆為

宸遊睿照之咸周更慶殊榮丕昭崇敬免豪飛灑擅懸
針倒薤之奇璇榜

親題備鐵畫銀鈎之勢

帝歌再作包大道於斯言

天藻維彰壯長城於五字碑凌巔屨渺海嶽之崇深字
勒岫嶺掩日星之光耀撤龍旂以示敬曲莖成
形留芝蓋以明尊中黃表色虹梁懸處疑雲影
之將低藻井垂來若蓮華之欲落以視彼開元
揮翰栖栖發麟鳳之歌廣順迴鑒屑屑給金銀
之器豈不懸絕宵壤度越逕庭也哉若夫山川

奔會枯栢蒼深孔林匪遙松楸斯在過從陋巷
金輿徐動街衢出自北門

仙旆平陵城闐指峯巒之曲互眺原野之扶輿疊嶂
遙開枕岱宗於北絡長襟遠映環滄海於東流
式瞻幽宅千年致敬遺封三尺醪傾琥珀再陳
林垌之尊禘籍隄旼又下墓門之拜昔年著楷
遠從列國移來此日根荄親荷

九重摘下石馬屹立若瞻

天仗以長嘶翠草何知亦繞

御衣而欲舞斯又榮生幽壤光照重泉者矣至於大澤
汪洋隆恩優渥土田載錫永充享祀之榮盛國
賦新蠲留作耕桑之儲積增常員於博士慶流
凡蔣之封沛異數於上公寵邁褒成之爵鷹揚
武弁復置專官鴻漸諸生竝參華選頒來緬帙
撲芳馥於行間賜出豐貂滿陽和於袖底綾分
鶴頂堪嗤鮫室之綃綿織鈿窠若散平陵之彩

倚歟盛哉始稽入廟終逮回轡史不勝書美無
弗備一十四君之釋菜輝煌遠邇

熙朝二千餘載之傳燈契合正逢今日臣廷瓚十年
史職兩世詞曹握簡木天敢望夔龍之武吹藜
芸閣竟窮游夏之辭欲由是道以升堂不得其
門而入室昌期幸際

鉅典欣瞻雖曳珮垂紳未厠駿奔之列而窺天測海
竊申雀躍之心珥筆懷慙染毫難已謹拜手稽

首而獻頌曰

惟

皇天授濬哲文明厚符地載健比乾行萬方作覩百度
惟貞義林書圖禮耨仁耕席起金華筵羅錦帙
法禹寶陰師湯銘日扶臬天根探微理窟朝斯
夕斯罔或遐逸

聖學彌廣

聖化彌神車書同軌天下歸仁戶牖八極管鑰九垓悉

內悉外歡和以賓時維甲子歲功方畢遠駕

六龍言遵廣術納賈陳詩協時正律雲行雨施魯邦

駐蹕

駐蹕維何昌平之鄉鳧繹戔戔洙泗湯湯

帝曰欽哉夫子宫牆敢不祇肅蠲饒以將元酒東陳芳

薪西樹嘉籩廣豆和羹秬黍考我鯨鐘伐我鼉

鼓堂哉皇哉雲門大武講堂翼翼

鸞聲載臨香浮銅鶴霞擁華簪瑤函秘笈孔傳義經

敬抒一得仰贊

高深頌發

天章勝輝

宸翰錯落珠璣奔趨神腕虎卧龍跳鏤琰鑄琬煥乎大
文卿雲糾縵天光下濟湛露上浮命官錫爵省
賦輕繇聖裔聖胄後舞前謳歡呼稽顙無疆惟
休於鑠茲行風聲洋溢瓊檢勿祈銀繩詎飾吏
不呵譏民無供億藝極陳常品物咸秩旌迴

丹地令布

彤墀迎陽履泰受福承禧於萬斯年垂拱無為惟師

惟

帝惟

帝惟師

恭頌

聖駕幸闕里詩四首

翰林院編修

臣

沈朝初

御蹕六龍清宮牆曲阜城尊師欽

帝則崇道協輿情殷奠兩楹肅夔章八佾成欲知數千

載

聖聖繼精誠

其二

蒼檜歲三千故壇敷

講筵昔人如可作

天語早相宣道在虞廷重經由魯壁傳祇今環聽者章

甫盛翩然

其三

曲蓋飛黃彩山樽繡綠痕由來三代物

賜出九重門肅肅瑤階靜巍巍藻殿尊
悉經輸府帑薄

海識

殊恩

其四

駐蹕已云久

迴鑒未即還會心原默契道統况真傳過墓撫文楷觀
瀾問古川總令昭萬祺琬琰有新鐫

駕幸闕里賦有序

翰林院編修臣曹鑑倫

歲在甲子

皇上巡省東方

躬幸曲阜登闕里之堂潔齋致祭鬱鬯苾芬對越

先聖推恩四氏盡誠備物盛事商皇臣謹按史傳所

載自昔帝王崇儒重道之典代固有之其間禮
數歷世相仍未臻極盛而流傳簡冊已足昭煥
千秋況我

皇上道接大成心契絕德淵源洙泗教育羣倫以致太
和翔洽海宇昇平道一風同民物誠阜所以欽
崇孔子者既用其道以成堯舜之治矣而又

親行釋奠典禮特加賁越前規豈非自孔子來千百年
所未嘗有者哉臣備員珥筆之末竊幸躬逢

盛事自惟學殖淺鄙詞章蕪陋無能發揮

鴻業賡頌

皇猷輒操短管敬自纂述未窺一二不勝悚惕隕越之

至謹拜手稽首而獻賦曰

猗寶祚之弘開膺上天之篤祐拱芝璽於萬年
軼蘿圖於三五揚大烈與耿光繼鴻庥於

列祖玉衡正而泰階平

聖人作而萬物覩於是握金鏡挈珠囊修六府育百昌

運乾紐而行天不息載坤維而應地無疆溯循
蜚與疏仡邁瀉汭於陶唐旰食宵衣而

一人垂拱綏柔懷遠而萬國梯航躋億兆於仁壽昭七
政之輝光爾乃朗鏡萬機精研六籍登道岸而
從容擴禮園而朝夕見往聖於羹牆揖前修於
几席總玉振與金聲厯遙情於親炙緬維

宣聖為萬世師啓吾道之一貫信斯文之在茲赤雀
御符寄經綸於木鐸斑麟吐綏定禮樂於緇帷

彼夫太牢祭於東魯立廟始於西京太師晉三公之秩宣王致南面之榮孔宜襲文宣之爵仁
應易衍聖之名藝祖葺祠宇以繪像仁宗設膠
庠以延英皇慶以大成進號嘉靖以木主致誠
稽崇儒與重道揭史冊而昭明然而成轍相沿
弘規有待首建極於中和固折衷之斯在

天子徇齊合德清明在躬發靈文於委宛訪至道於崆
峒統聖智之條理獨仰止於時中雖歲時之釋

奠肅俎豆於雍宮
睠車服與禮器
常企慕於

宸衷乃舉時巡
諏吉旦衛羽林
飭緹幔驅七萃
而無聲振六飛
而如翰則有望
舒擁轂豐隆扶
輪畢雨先驅而
灑道箕風前導
而清塵會岳牧
以問俗省耕歛
以勤民父老謳
歌於擊壤士女
踊躍而吹幽沐

皇恩之浩蕩
聆

天語之春溫
遂觀汶濟之清
連跂龜蒙之翠
律瞻聖林

之楷模仰尼山之傑出杏壇迢遞迎舜日之光
華檜紐參差捧堯雲之瑞商導義路與禮門負
登堂而入室爰叶金奏備佾舞撞黃鐘和大呂
牽牲贊米執瓘薦羞神歌清而上達燿火徹而
旁煇壁裊之金絲雷動雲間之彝鼎霞浮奠三
爵於堂上肅九拜於殿頭挹

皇躬之謙敬肇異數於千秋斯時也聚五經之博士集
四姓之小侯莫不効趨蹌駿奔走應嵩呼而戴

德賡洛誦而揚休玉帛既焚豆籩既撤小大稽
首禮儀中節

天子顧瞻堂廡褒崇志切舉生民之未有將一辭以昭
揭爾乃匣啓琉璃之硯筆移瑋瑁之床恍龍螭
之飛動儼鸞鳳之迴翔蓋聖人為萬世之師表
實維四字足罄其揄揚璀璨題熒煌銀榜傍
日月以齊懸千奎壁而直上增異彩於宮牆亘
竒觀於天壤甫灑藻以揚輝復摛詞而振響開

渾噩之元音曠古今其莫兩乃復擴土田於世
澤增散秩於冠裳曲蓋寵先師之軾

御書崇壽母之坊貞珉綠字岫嶁神章元公錫後子姓

揚芳巍乎至德永示輝煌臣幸際昌明之運濫

廁校書之職惟目覩而神怡輒抃舞而手額恭

撰短章聊鳴悅懌是猶生虞代者稽首而和景

星慶雲遊堯衢者含哺而歌出作八息云爾頌

曰

帝德巍巍齊一揆兮登山觀海臨泗水兮蜺旌羽葆儼
戾止兮登堂三獻肅拜跪兮瑤棧金薤奎藻灑
兮諸生習禮元首喜兮講席橫經百工起兮祖
述憲章振前軌兮日光月華今莫比兮彤庭珥
筆照青史兮億萬斯年綏厥祉兮

聖駕東巡恭紀

翰林院編修臣趙執信

聖澤霑濡會

天王巡幸時岱雲迎

警蹕海日近旌旗

萬乘殷雷合千官委珮隨
龜鳧爭嚮導洙泗照威儀
望秩齊虞典追崇陋漢規
定知百川會真覺衆山

宸翰羣靈護豐碑夾祀垂

簡書方拜手敬繼侍臣詩

使時臣方奉
山西

幸魯盛典卷二十六

欽定四庫全書

史部

辛魯盛典卷

二十七至
三十

詳校官宗人府丞_臣寶光第

編修_臣程嘉謨覆勘

總校官進士_臣繆琪

校對官助教_臣胡予襄

謄錄貢生_臣王時發

欽定四庫全書

幸魯盛典卷二十七

聖駕幸闕里恭紀

翰林院編

修臣李孚青

百代留元氣千秋仰素王龜峯鍾秀異麟紱啓
遐昌紫貝開閭闔青霄下鳳凰文著徵瑞產古
檜發新芳典則繩虞夏明禋盛漢唐由來恒祀
備未以特誠將禮樂逢斯世欽承獨我

皇心源傳一貫泰運值三陽乍

駐泉林蹕言

登闕里堂旌旗環岱嶽俎豆肅宮牆

萬乘排龍馭千官列雁行

御書頒鄭重

法物賜輝煌麗日璇題迴祥烟曲蓋張雲霞飛翰墨

珠玉燦文章灑灑仙莖吐熒熒藻火光孫枝蒙

雨露興誦洽冠裳

至德高難竝

宸遊邃莫量典翰欣貴道珥筆頌無疆

聖駕幸闕里恭紀

翰林院編修

臣王沛思

乾行法從擬星陳千里攜來浩蕩春翠愜微風迴豹

尾金衣斜日晃龍鱗岱宗喜得重修祀襄野無

勞復問津父老共欣瞻

晬穆更於

停輦見堯仁

其二

羹牆夙昔有欽承
曠典隆師薦豆登
法部恍聞天樂奏
馨香全自

睿懷升歲蕤五色金
綬賜靈爽千秋鐵
檜憑向夕嚴更
種殿駐六軍齊望
九華燈

其三

雙闕崇巖閼魯城
喬林防阜有餘清
因探蠹簡

尋丹甕轉憶麟書降水精浮磬祇從沙面識叢
著偏向雪中生

鳴鑾不覺遲回久仰止高山繫

聖情

其四

笙絃重振舊鏗鏘雕几親臨講藝堂

九五正中龍在御三千夾侍雁分行金泥函護昭回色
紫綺表分藻火光率土應知遭遇日於今文運

啓當陽

聖駕幸魯恭紀有序

翰林院編修臣秦宗游

皇上御宇之二十三年運啓貞元時逢作觀萬方順德
四海歸忱介泰升馨會樂歲降康之候陳詩納

賈正

聖皇清問之期爰

詔省方用昭裒對宣仁展義先化澤於日邊導氣迎生

迓陽和於東嶽豈遜虞柴之二月同律齊衡無
假漢祀之三巡禪云封岱於焉朔奎躔之故野
訪繡紱之芳踪地屆昌平序當亞歲

皇上駕臨闕里釋奠孔林薦菜陳牲豆籩咸舉備禮和
樂律度允煌來

萬乘以崇儒威儀抑抑集千官以肆祀進止蹌蹌既而
筆扎降自

九天句煥雲霞之錦圖書

頌來四庫篇搜金石之藏碑篆參穹

鳳藻闡文明之蘊勝紋耀日

龍章揚師表之模羅綺組以

錫彼子孫鸞鸞桐花倍燦撤翠蓋以榮茲寢殿蛟螭
雲氣彌多祀事在古稱隆典秩於今為烈小臣

恭逢

盛事思切賡颺慚無黃絹之詞莫效紅雲之捧敬陳

短什以紀

宏休

元運三辰泰禎圖五緯昌珠星躔絳闕璧月耀
朱梁碩格階前羽賓來海外航紫微輝北極翠
葆泣東方

鳳蹕臨青野

鸞輿度碧岡晚霞籠遠嶠朝旭映扶桑龍吼雲巖洞
雞鳴日觀鄉升禋先岱嶽肆覲集纁黃玉女璿
池宿天孫石鎮昂般歌呼震疊阿詠近顯卬展

義

皇情切崇儒

帝道臧杏壇餘俎豆奎閣爛芸緗鐸響今猶徹韋編昔
未央披帷陳黼黻聽壁隱絲簧紹述懷明德刪
垂仰素王右文園類壁講學貴官牆經闡義文
秘書詮平治章傳心遙可法遺澤渺難忘

聖祀修芹藻精禋肅桂漿黃流傾瑟瓚朱火燦蓂床
菜共牲牢設羹同棗栗將樅金香霧合振玉爍

烟翔穆穆班壘列輝輝曲蓋張禮容羣祗肅師
表一追揚

瓊榜星雯麗

璇題日月煌

綸言真灑灑

宸製自鏘鏘飛翰低垂露穹碑直倚蒼谿詢彝器在俯
仰玉書藏靈壑荒榛絕封丘珍樹防巍巍林殿
古濟濟珮珩莊契悟符軒昊崇規軼漢唐七襄

釐胄嗣三錫勵官常懿烈因時煥休徵體物彰
楷枝標異種著草茁新芳檜色含霜老松陰匝
地涼良由龍馭止彌見水精祥競戴

王猷塞還欽

聖教光哀時誠炳燦釋莫愈烝皇不數岐陽駕寧同瑤
水觴小臣逢

盛典拜手誌平康

駕幸闕里恭紀二十四韻

翰林院編修臣孫岳頌

五位璇階正三辰玉厯昌圖疇天錫祉麟鳳

帝凝祥肇舉

南巡禮來遊東魯鄉

入門親却輦

引步肅登堂釋奠威儀整陳籩黍稷香師臣

天子拜贊采百僚將至德真難及無名詎可量

聖心原契合曠典迴輝煌訪道從容問談經闡繹詳金

聲揚

睿藻鐵畫煥

天章檜樹懷先澤章縫識舊藏
宵碑臨左序曲蓋立中

央七十賢人列三千弟子行
几筵霑雨露髦士

奉圭璋

錫爵絲綸重推恩世系長
觀文升傑閣攬勝矚無疆
周

歷情何切低徊志不忘
林間冬旭暖壇畔慶雲

翔更覩

鸞旂麗彌徵鳳彩光尊崇瞻

異數歌頌徧遐荒道法元公闡人心孟氏匡新傳胥秩

祀石紀共流芳制作蘭臺貯編摩虎觀襄

鴻模恢萬古恭竊效賡颺

皇帝幸魯盛典恭紀有序

翰林院編修臣王九齡

臣聞導懿和之風者必隆文教之事黼休明之
運者必遵德藝之途聿自麟經繡紱誕聖平鄉

虹流黃玉修經闕里大義揭於穹壤微言炳於
星日絲簧琴瑟敬起於聞音車服俎豆道存於
觀器高帝肇太牢之祀元始建褒成之封唐宋
以還尊榮至矣然而循流景躅畧備於曩編符
軌合節實由於

至聖我

皇上躬堯舜之睿姿志周孔之絕學握鏡澄物文恬武
熙隆禮復章流樂返雅聲教所訖莫不驗風受

吏候月歸責巍巍之德皇哉唐哉宜登岱宗禪
云亭掩七十二君之遐蹟而躋其首也然而

冲旨謙讓抑而未俞考虞書姬典之篇倣五年時邁之

制

翠華南指七萃雲屯

玉輿東幸五營星列顧

省方禮畢

特念

宣聖為萬禩之儒宗百王之模楷爰返

天蹕於江淮遂講釋奠於東魯夫其潔兩楹之簋簋飭
彼司筵奏六樂之咸英攜從太學

萬乘屈尊而九頓百寮展采以趨踰此則我

皇之虔祀也披講幄而進儒生堂開詩禮憩杏壇而懷

聖蹟壁叶金絲咨文檜於手植契神著於大衍

此則我

皇之嗜學也

華蓋九旂留諸殿寢遐阡十頃拓彼祠田文宣遙胄
咸增秩而賜金元聖餘裔亦薦紳而陪位此則
我

皇之渥澤也發言為論文律應乎宮商摘翰成章詞源
匯於河海展銀鈎而舒鐵畫舞鳳蟠龍懸朱額
而啟綠碑烘霞映日此則我

皇之麗藻也崇儒重道既休聲茂實之兼包展義宣風
遂沐浴咏歌之畢効連裾如堵跂末光而擊轅

接袂為帷挹清塵而獻禱往牒所記前史所陳
未足以揚盛烈紀靈符也小臣謏劣無能備員
橐筆文學侍從未敢窺左史之編輿人歌詩庶
足備太師之採謹拜手稽首恭上十二律以抒
芹曝之忱焉

聖主當陽化日懸車書一統靖烽烟漢廷欲紀登封事
虞帝惟陳輯瑞編令節秋清無射管昌期厯啓
上元年

鑒興直指東山路要振儒風徧八埏

其二

仙仗森嚴發

帝城恩波浩蕩起懽聲十行

鳳詔隨雲下九仞

龍旂礙日明海甸寒花迎劍佩雍宮雅樂送韶英上

公喜接

天顏近屏息徐看

法駕行

其三

淮北霜高萬騎迴
早看陽律動葭灰
泉林紅日停鞭見
阜邑丹虹拂馬來
東國衣冠爭扞舞
中

天雲漢自昭回

皇情是日懽彌甚
特許琴書入

睿裁

其四

精裡闕里潔牲犧古廟平明

玉輦移百職陪班依豹尾

九重加禮獻雞彝階前磬管寧和曲筵畔鐘鏞

御製詞更溯淵源隆報享蘋蘩兼薦叔梁祠

其五

奎文閣下肅鉤陳詩禮堂前講席新

御幄豈殊崇政殿儒門還有說經人
追思縹筆洪規遠
細討韋編奧義申
晝漏迢迢羲馭轉
各收緇帙

拜

溫綸

其六

遺像清高奕葉傳
尼山千尺尚巍然
衮衣肅穆如今日
象佩雍容記昔年
漢帝尊壘紛在側
軒皇準角望中懸
虎頭妙手丹青絕
小影重摹

御覽偏

其七

煌煌

天語徹軒墀

夫子真為萬世師
書就銀鈞光煥爛
懸將金榜墨淋漓
霞蒸大野疑麟見
日朗高岡想鳳儀
曲蓋亭

亭還撤

賜山呼聲裏五雲垂

其八

登臨坐憩講臺基
尚憶諸生問道時
溜雨霜皮

存鐵樹倚雲紅杏俯緇帷石壇烟裊

金根輅丹壁晴飄

翠鳳旗綠字摩挲遊賞徧南宮書贊李邕碑

其九

飛閣周阿麗碧虛還從舊宅緬端居清流宛對
亭前井斷簡猶傳壁裏書望遠琴心函丈外承
家禮教過庭初詠懷古蹟勞

宸翰日昃方迴北斗車

其十

防山瑞旭照林邱
駐蹕亭前曉霧收
異木千章
縈彩旆
天香十里拂

珠旒著經

御手莖逾直
楷荷

皇情節更邁
輦道鶴行齊
拜手千秋彤管記
良遊

其十一

蒙山泗水接謳吟
累葉均霑

聖澤深慈母松筠標勁節雲孫章服繼華簪林垌白壤
還增地學舍青袍更賜金為念元公祠廟重世
官承祀肇於今

其十二

雲漢

天章四海知傾都士庶謁穹碑文河錦浪翻千疊藝苑
春葩簇萬枝鬱鬱蛟龍盤琬琰蒼蒼烟靄護琉
璃小臣樗質慚東觀幸際休明學詠詩

聖駕幸魯釋奠

先師禮成恭頌

翰林院編修臣史夔

省方輯瑞

聖心勤泰岱中天曙色分

玉輦直追姚姒蹟金泥還陋漢唐文黃童白叟欣瞻

日青屋朱旄儼拂雲書軌大同琛賁至

東巡盛事軼前聞

其二

曠代心源接素王時從洙泗潔烝嘗

降輿共識欽師禮備樂咸聆假廟章歸德門前停

警蹕昌平宅畔肅冠裳太牢一祀儀多闕

聖主千秋俎豆光

其三

五氏雍容進講初

天顏喜近聖人居班行傾聽還前席袍袖縈香為展書

大學三言綱自挈繫詞數語易無餘於今正道
昌明日漢室園橋定不如

其四

曩代傳聞幸魯儀曾頒祭器列雞彝

宸衷特寓尊師意

御繖常留重道思
蓋直超河雒外推崇真與聖神
宜尚衣取次聞

殊賚玉佩金魚拜赤墀

其五

灌匏精裡謁孔林鏗鏘四韻

睿情深千秋道統羹牆接一代

天章日月臨絲竹古堂遺響在奎文高閣異香侵摩挲
左紐親栽檜宛識當時述作心

其六

孔思周情竝景行衮衣勲業邁阿衡當年禮樂
同天子此日牲牢遣上卿訪道崆峒齊往轍登

封梁父笑虛名小臣濫厠蓬池侶珥筆無能頌

聖明

聖駕幸魯恭頌

翰林院編修

臣許汝霖

冠蓋開王路奎婁接帝星

巡游踰舊典封禪薄前型百代興儒地千秋駐蹕亭

昇平誇盛事

萬乘為傳經

其二

玉薤題璇榜風雲自卷舒十行強漢札四字軼

唐書檜入

天章重租從

手詔除百年惟父老辛苦望

乘輿

其三

文鶴啣書早祥麟降玉遲後先傳絕學缺畧創

前規載肇周公祀重臨孟子祠橋門觀聽在

聖主即明師

其四

曲蓋盤螭鳳長留

御仗存禮優

天子聖道在布衣尊地接溜維脈天開泰岱門斯文同

景運史冊炳乾坤

聖駕幸闕里恭紀二律

翰林院編修臣張廷樞

海宇同文景運亨

宸遊順動泰階平
千春品物瞻

龍采四姓絃歌近

鳳鳴闕里香
浮金殿肅橋門
草似玉華清
侍臣鵠立
談經處五色雲中環珮聲

其二

鳳輦翩翩涿水前

六龍還

駐杏壇邊山花曉接金莖露海日晴涵玉殿煙樂奏
南薰和舜瑟禮行東嶽紀堯年詞臣躬際文明
盛橐筆書成柱下編

聖駕幸闕里致祭

先師孔子恭紀二十韻

翰林院編修臣周金然

率土重熙日敷天袞對辰

省方修曠典

命駕紀時巡軌物超三古君師統

一人崇儒心每下望道意彌親闕里斯文在高山仰止

頻杏壇深

駐蹕松栢肅明裡一德潛孚聿千秋實比隣從官羅

濟濟多士贊僔僔合樂笙鏞間隆儀俎豆新舞

仍八佾奏奠自兩楹陳灌獻嚴將事精靈儼格

神徘徊觀禮器次第降

溫綸絲竹聞猶昨羹牆見若真

奎章懸日月芝蓋燦星辰顯燦超前代

恩榮逮後塵尼山增絕峻泗澤益無垠盛事光書策歡
聲動縉紳有生皆向化何俗不還淳文運開龍
馬禎符集鳳麟昭垂千祀法焜燿在貞珉

幸魯盛典卷二十七

欽定四庫全書

幸魯盛典卷二十八

聖駕幸魯恭紀二十韻

翰林院檢討臣田成玉

聖世隆師表明禮紹百王尼山勤景仰闕里溢輝光刪

述傳難罄精微道不忘斯文懸日月于邁見羹

牆翠栢橋門外香芹壁水旁鸞旂齊映日鷺序

迴凝霜入廟

容先穆登階

色倍莊兩楹瞻禮樂九拜重綱常異代精誠格諸儒討
論詳程朱真入室韓董但升堂舊學絃歌滿遺
書蚪蚪藏几筵何秩秩鐘鼓更皇皇爵錫

明廷渥材頒太府良穹碑撐突兀

御墨灑琳琅深夜蛟龍舞高天鸞鷟翔

賦成垂琬琰

詩就叶宮商寤寐思邇邑低徊駐魯鄉擴林增土宇

留蓋耀巖廊制作經綸遠源流道德長昇平文
教洽治化媿虞唐

聖駕幸魯恭紀十六韻

翰林院檢討臣董閤

盛世崇文日

熙朝重道年師資表萬禩聖脈接中天學古圖書滿

時巡禮數全尼山聳翠嶺泗水渙晴川木鐸千秋振

金聲百代宣

一人親釋菜九有共聞絃謚號卑唐末威儀陋漢先世
家惟舊德宗國仰前賢

御蓋留香幄

宸章映彩椽杏壇滋化雨檜樹罩祥烟備物祠官肅加
恩中使傳列筵輝俎豆掌節滌牲牷陟降神如在羹
牆意渺然儒宗褒大業道統繼真詮魯溢鸞旂
頌周垂鼉鼓篇欣瞻車服盛珥筆載琅編

恭和

聖製甲子冬至幸闕里詩

翰林院檢討臣董閔

至尊親降輦聞見盡同堂門列三千士宮高萬仞牆德

車行自遠儒服被尤長

御蓋留餘蔭千秋拱

帝裳

駕幸闕里恭紀

翰林院檢討臣汪楫

五雲紛郁繞行宮瑞靄文光一氣中天矯六龍
齊御日騰驤八駿儼追風出同巡幸人爭望事
異登封禮獨隆不是

君王傳正學豈知吾道果尊崇

其二

尼山俎豆有輝光典禮今知邁百王淨拂雲霞
飛翰墨高懸日月麗文章交龍額隱千年碣五
鳳磚銜數仞牆漫道升階天尚遠一時鐘鼓儼

同堂

其三

三驅四校列雲屯

九拜渾忘

萬乘尊

特勅中官留

御蓋傳聞紫氣滿天門
赤蛟丹雁俱呈瑞
老楷靈著

盡展恩野叟百年驚未見
願將詩禮勗兒孫

其四

天臨華蓋落空青
歷歷珠躔曜景星
忽奏河清知

駐輦羣瞻嶽峙擁諸靈
歡聲又慶蠲租

詔盛事還傳

講殿經珍重
儒臣垂史冊
彩鸞金匱好藏銘

聖駕幸魯恭頌四十韻

翰林院編修臣余志貞

百王尊

至聖億禩啓真詮異質標河嶽鴻裁照後先中和參
造化述作煥星躔筆削微言在洪纖大義全
蕪明道術品類荷陶甄

哲后昭休殊方屬慶延武功垂竹帛文教育芝莖左
右皆圖史羹牆必聖賢尼防高嶽萃洙泗逝潺
湲雲罕飛燕地鸞旂指魯阡扶輪義馭駛灑道
雨師遄卹隱蠲供億充庖寄狩田杏壇停

法駕闕里肅官聯入廟

天顏睟登堂

玉趾度太常咨備物司史命繩愆拜跪褰

龍袞趨蹌動紘紼芹羹兼黍穀桂酒間犧牲將享逾烝
禴寅共有豆籩

御厨傳腴脯仙奏響鈞天古器看彝鼎升歌列管絃
衣冠維法象俎豆儼璣璇已晰天人奧還參性命
編陳書知訓典繫易講坤乾峻極勤瞻仰淵
深費沂沿

錫綸圭璧燦

題額日星懸鶴舞鳴璫珮嵩呼溢市廛

恩頒天女織賞給水衡錢

御蓋芝莖錫

宸章琬琰鐫松楸風雨老檜栢歲時堅巢樹禽爭避鈎
衣草自捐欲尋廬墓處猶記治任年享殿丹青
舊思堂翰墨鮮宮牆觀爛漫

警蹕更留連稽古千年溯崇文六籍傳臨雍卑漢主

講武陋周宣典禮殷廊廟膠庠遍幅幘獻符龍
馬出御籙鳳凰騫黼黻黃農代鋪陳經史筵矧
叨鵷鷺列敢怠典墳研拜手無由頌賡歌天保
篇

聖駕幸闕里恭紀十二韻

翰 林 院 編 修 臣 吳 晟

秩 秩

先師廟巍巍

帝德全太牢聞漢祀釋奠盛唐編水德祥鍾魯天根震
在泉先時咨典禮卜吉歷山川自昔景行切

親臨拜謁虔牆高呈美富詣極識經權繡柱龍雕麗彤
墀鶴舞躑霜凌松益茂神護檜逾堅觀海難為
水秋陽力豈綿升堂儼泰岱入室具坤乾

聖澤天垂永

熙朝文教傳微臣逢

盛典萬載頌平平

聖駕幸闕里恭紀

有序

翰林院檢討臣潘應賓

皇上御極二十有三年歲在甲子肇舉省方之典巡幸

東南

躬詣闕里祀

至聖孔子以太牢禮也入廟屏輦勿御

九拜維虔

天顏睟穆從官罔不祗肅禮成

上親灑宸翰為詩紀之復留曲蓋以昭優崇集四氏諸
生論經史凡聖裔皆

賜賚恩叙有差詰朝謁

聖林益拓其地真異數也

鑾迴復御製碑文勒石繼發帑金葺廟工竣特

命皇子親往告祭我

皇上崇師重道實茂以加時臣備員史館不獲侍執豆
籩而盛逢大典雀起懼忤且臣生長鄒魯紀

聖德而揚文治職也敬賦五言十章

北極丹書出東方

翠輅臨路迎千仗轉山映五雲深

帝舉時巡禮人欽望幸心魯邦仁域好風動協虞琴

其二

聖主崇文治心傳接大成兩楹勤祀事

九拜奉儀型俎豆恩光遠宮牆瑞靄生由來端道統

不獨肅巡行

其三

至德留遺範

王言重表章
瑤函騰寶氣
玉軸散天香

睿藻河山秀
奎文日月光
開元曾有句
遠遜

聖謨昌

其四

曲蓋嚴仙仗
清塵照

翠華威儀

天子貴寵錫聖人家禮數原殊絕輝光未有涯從今瞻
氣象遙映赤城霞

其五

式觀明禋盛還聞講幄開上公親受

旨聖域各抒才泮壁沾

天寵橋門稟

睿裁試看霄漢上五緯盛昭回

其六

宸極瞻雲日榮施集聖門
蟒衣真異數鷺序拜

新恩近識

天顏喜方知道範尊

熙朝隆景運心法闡長存

其七

鬱鬱林中樹從前過者稀

六飛乘紫氣三秀擁朱衣
拓地

恩多渥升馨露未晞
靈著方可採先後協天機

其八

祀典觀成後羣工扈

蹕時山花明羽蓋海日麗金羈緩佩輕霞繞鳴鑣清
漏移鄒枚同載筆拜舞詠昌期

其九

廟貌重經始鳩工不日成金錢頒

內府輪奐擬彤庭日傍

璇題峻雲連桂牖生豐碑真不朽千載頌文明

其十

丹雘維新日
牲牷復告虔
瑞凝仙闕下
禮肅杏

壇前

鳳詔金函啓
星軺玉節傳

九重修盛舉
垂頌萬斯年

幸魯盛典古詩四章

有序

左春坊左中允兼翰林院編修臣胡作梅

欽惟我

皇上御極之七載戊申

特遣光祿寺卿楊永寧詣闕里祭告明年己酉四月

躬臨太學釋奠

先師天下於茲仰

聖德焉二十三年甲子

詔南巡行省方恤民諸大政

回鑾至曲阜肅謁

孔廟及

孔林聖墓加惠聖裔四氏子孫隆文異數恩禮備至
御製碑文勒置廟內煌煌

天語照乾坤而懸日月也於是用衍聖公臣毓圻等奏

請

命儒臣纂輯

幸魯盛典備載

臨幸諸典禮永為萬禩法程閱幾載而書告成臣作梅
得奉而讀之伏念

孔子心存一貫道在六經而

皇上則神明獨契於羹牆懿德誕敷於方夏文經武緯
偉烈豐功闡繹發皇殆無餘蘊是則素王擅師
道之隆

聖皇建君極之懋書傳以來未始有後先合撰若斯者
也而斯典所載垂為禮經抑

萬乘之尊隆親師之義非千百代而僅一覲者歟攷諸
史策漢唐宋元代祀闕里然或非親祠或因東

封惟東漢明章二帝俱幸

孔子宅致祭差為合禮而當時謂於卿門有光亦失
尊師貴道之意豈崇禮

先師增輝聖德足繫我

皇上萬一也哉小臣作梅恭逢盛事踴躍舞抃敬作五
言詩四章附於塗歌巷号之末以備採風者之
選擇焉

羲皇肇一畫手為闢鴻蒙延緣三千載跋烏薄

西宮水精兆麟紱文明日再中歷年又三千畧
與上古同

聖人今首出重仰華胥虹大化翔四表合符告成功陋
彼七十二玉檢紫泥封省方繼肆巡臨觀尼山
宮絳衣儼論道冠劍何從容展也先後聖元會
長昭融

其二

赤符啓金刀發祥過魯祀說經闕里堂真人徵

白水奕代加欽崇青史流徽美雖復具威儀未
盡諧典禮藐焉永嘉生改秩乃輕儼右文推
聖朝泰運周復始蕭雲靄天衢榮光浮地紀

御極如堯齡臨雍肅階祀奕奕羅簪紳秩秩嚴簋簠琴
書非親承

聖心猶未已

其三

璽書頒尺一

駕幸少昊墟望岱既升禋遂謁

先聖居前驅勤七校不惜

回鑾紆聖嗣及賢裔迎拜

天顏舒却

輦進星門

玉趾當庭趨上堂拜稽首廣樂和笙竽奠幣獻瑤簞

龍蹲來徐徐陳經演墳典列侍森鴻儒橋門聳觀聽芹

藻皆敷腴五緯聚東壁纍纍合聯珠

其四

畢如堂斧封真氣此馬聚鳳德已潛藏龍身永
騰翥奇植莫能名一一神靈護化工自回薄滋
生非雨露

黃屋天上來豐隆淨王路遺蹟徧周咨草木膺

眷顧駐蹕祥符年榮觀祇文具東岱曜扶桑羣岳競奔
赴

綸章冠天表河山奠寶祚傳為萬世經庶媿方策布

聖駕幸魯恭紀有序

翰林院編修臣尤珍

蓋聞圖疇肇啓道已闢於羲軒精一相傳教獨
崇乎洙泗刪定六經以後屢絕韋編周流列國
之年長鳴木鐸信生民所未有集羣聖之大成
皇上德備生知學由天縱治登雍動咨敝常聞化洽文
明時幾彌勅乃舉省方之典特詳

幸魯之儀

駐蹕尼山

停鑾闕里率千官而崇祀襄多士以駿奔門開數仞
之宮奠設兩楹之阼采芹采藻入廟而俎豆斯
陳見羹見牆登堂而琴書宛在摩挲檜樹手澤
猶存繙閱漆經心傳若接覩

天顏之有喜知聖道之重光典禮煌哉規模遠矣夫自
漢皇過魯親祭太牢宋室崇儒特申下拜歷代
俱修秩祀累朝遞議追崇非無展謁之文未極

表章之實孰若我

皇上淵源默契道法親承追琢

雲章儼若珠聯而璧合淋漓

寶翰不啻鳳翥而龍翔授博士之官獨褒異數訪元公

之後同被

殊恩洵史冊所希聞亦昇平所僅見臣恭逢盛事幸際

昌期愧無史籀之篇竊慕崔駰之頌謬拈弱管

敬贊鴻休

化洽寰瀛泰

恩施寓縣豐苞符千古合玉帛萬方同

德峻堯階上

心營禹甸中巡行稽帝典時邁頌王功

鳳蓋飛山左

鸞旂指岱東龜蒙停

警蹕洙泗設齋宮野外

鑾輿轉門前羽仗通風吹沂水綠日照杏壇紅釋奠

尊彝盛明禋簋簠充薦圭五瑞輯奏樂九成終
劍珮趨多士簪纓肅百工廟堂觀禮器函丈振
儒風

賦就千言麗

詩成五字雄建碑霄漢迴懸榜日星崇道統歸

昭代心傳契

聖衷玉麟猶赤紱古檜永青葱景運中天啓文明大化
融康衢爭擊壤溥海盡呼嵩幸附詞臣末恭逢

曠典隆千秋垂盛事不羨訪崆峒

聖駕幸闕里恭紀

翰林院編修臣許嗣隆

刻玉游河歲披圖幸洛辰

興朝敦教化

至德布溫純冠冕臨雙闕梯航徹九垓縹囊綳帙聚澤

馬器車臻

巡守乘蒼輅觀風出

紫宸奎婁星界野洙泗水為隣

帝曰宣尼聖祥鍾曲阜神壁書傳奧博玉簡燦瑠璚虞
夏商周後東西南北人素王常秉鐸司寇暫持
鈞歷國聞歌鳳傳經歎獲麟吉蠲瞻碩範牲采
奉明禋數仞宮牆見羣公俎豆陳維

皇能建極重道則師臣湛湛

鴻恩沛煌煌

睿藻頻揮毫開麗錦落紙勒貞珉虎脊鸞雲爛銀鈎鐵

畫勺檜先霑

雨露楷亦拂埃塵燕鎬篇徒壯橫汾什未醇兩楹鐘
欽韻四壁管絃新藝講函中祕儒崇席上珍趨
庭嫺禮樂授簡載

絲綸法物詳彝勺佳時紀甲辛三十頒象管十二錫龍
賓

盛典爰名魯豐碑迴異秦

君兼師繼統治與學同倫太史清千禩文昌耀萬春颺

言臣忝竊于邁頌尊親

幸魯盛典卷二十八

欽定四庫全書

幸魯盛典卷二十九

幸魯頌

有序

日講官起居注翰林院編修臣陳元龍

歲當甲子會合貞元六寓昇平八埏底定

皇上睿周四海念切羣生迺於是歲之冬肇舉時巡之
典燔柴肆覲名山增日觀之輝省斂採風節屋
散春臺之澤

恩膏斯溥典禮用成

法駕南還星旄北指歷奎婁之野近聖人之居

皇上雅尚崇儒虛懷重道高山儼在仰止惟殷駕言徂

東爰至於魯

鸞旂風動烟嵐繚繞於綢杠

羽蓋香浮草木葳蕤於繡紱面洙負泗素王闡道之

區鳳翥麟遊先聖發祥之地越舍郊而齊宿始

有事於質明入歸德之門闕宮伊邇瞻大成之

廟靈殿巋然

一人肅穆以天行百辟森環而星從禮隆釋菜兩楹供
芹藻之馨樂奏迎神六合備宮懸之曲因師而
屈修降拜於壇墀為道而恭攝衣裳於階陛覩
山河之異彩恍觀音容接堯禹之天姿如親揖
讓於是過燕申之室登詩禮之堂劍佩鳬趨章
縫鱗次臯比獨設其講席之隆儀綳帙初陳發
韋編之大義遂乃傳觀舊蹟歷覽遺蹤硯几斑

稠車琴制古雷尊犧象縱橫禮樂之藏漆簡竹
書隱約金絲之奏杏壇遺樹曲欄空文甃之華
檜植餘根左紐作青銅之色觀川波逝尚立空
亭習射圃荒猶留故井

天語諮詢者屢矣

皇情眷戀者久之已而沂沂水之陽問昌平之墓鳥禽
知敬望綵旆而高飛荆棘避訶近雕輪而欲却
樹封四尺見堂斧之崇高昭穆三壇表神靈之

莫麗尋設祠而展謁更

駐輦以徘徊尋先賢築室之場惟捫古楷問昔后停
車之地更讀殘碑遂迺旋轡郊原

回鑾上序

天顏霽懌

睿藻紛披四韻鏗鏘琢玉追金之句數行璀璨銀鈎鐵
畫之書方誇

宸翰之頒更荷

殊恩之賜曲莖羽葆分仙仗於中階文綺金貂賁溫綸
於甲第土田加錫租賦頻蠲辟雍施帳而傳經
譽髦彈冠而結綬

異數均沾乎四氏

隆恩旁及於諸姬且也銀榜高懸

御墨煥虬螭之彩貞珉載勒

天章鐫鼎廟之文韻字龍盤義圖馬負永作中天之日
彌增秋日之輝信其偉而夙乎盛矣粵稽史籍

代有褒崇不乏美談迄今多遺議漢高親祀安事
詩書光武駕臨時崇識緯開元有詣宅之祭道
舉貽譏祥符留駐蹕之亭天書獲誚儀文備矣
實效闕焉惟我

皇上徇齊天縱不恃生知遜志敏求惟勤好古研索闡
圖疇之秘表章傳述作之心

聖學精矣琫戈初偃木鐸彌宣返華靡於樸淳却登封
而謙讓觚童子知斥異端挾冊小儒能嗤雜

霸

聖治洽矣寤寐性天依晰仁義陶鑄百王之禮樂紹接
千聖之心源聞見相承後先同揆

聖功懋矣而且日昃不遑望道未見欽聖枉七駟之駕
隆師屈

萬乘之尊仰倣維殷覲宮牆而如遇步趨罔間接薪火
以相傳固已親炙其精微豈特暫窺夫堂奧況
復發

天葩之藻河洛遜其苞符揚奎璧之華星雲資其紉縵
尤足甄謨陶典駕古鑠今洵開闢之鴻庥皇王
之極軌也臣菰蘆下走奔陋鄙儒忝

盛典之遭逢光榮莫並壯斯文之炳蔚統緒常新蠹
測管窺竊自愧於濡毫之列衢歌戶頌不敢後
於含氣之儔謹拜手稽首而獻頌曰

於皇我

后建極用中文謨武烈景鑠有融至治烝洽九域既同

匪功是代惟道斯崇其道維何生民之始列聖
相承幾希而已王風寢熄微言中圯天拯頽綱
篤生

夫子奎婁之精海岱之靈迺傳一貫迺定六經身雖
潛晦吾道則明皇王萬世是憲是程

帝念尼山精微之府企懷聖風表厥疆土洙泗一區靈
光終古

駕方東巡爰稅於魯防山匪高誕聖則尊沂水匪深毓

粹則神驚旂淠淠玉車鱗鱗百辟咸從瞻望清
塵闕宮巍峩天地同壽我

皇至止言獻其芬登降益虔循牆而走豈曰為恭隆師
惟厚隆禮惟何言登其堂諸生濟濟說經琅琅
咨訪遺蹟故府所藏有服有器有圖有章爰有
靈柯先聖所植摩挲文理緬懷手澤鬱鬱松楸
陟彼林域神風肅然

駐輦憩息典禮既崇恩膏斯被

帝錫上公土田每繡衣赤舄貂冠文綺洽我宗支遂
及四氏倬彼雲日敷藻自

天煌煌謨訓有光熊然既追既琢琬琰是鐫屹立階城
炳煥萬年聖道明明長夜方旦我

皇體之秋陽彌燦百家騰躍風雨散渙大義昭揭如濯
江漢惟

皇備道參貳兩儀駕姚軼如追軒躡羲刪述而後統在
聞知此心此理默契者微若火與薪相遇斯接

若水與乳注投斯合入室僂然胎蠻如答端拜
一堂後先合轍雖有象魏不如鼓鐘雖有郵傳
不如德風依仁蹈義四方景從教思用溥文治
彌隆濟水洋洋泰宇嶽嶽俎豆常馨宮牆儼若
化協珠囊道隆木鐸漸被奕禩頌聲是作

聖駕幸闕里賦

并序

翰 林 院 編 修 臣 黃 夢 麟

恭 惟

皇上

德乘乾曜

仁稟地靈

景麗祥雲彩拂軒轅紫蓋

圖開旦日音揮虞舜薰絃丕哉

神聖之姿奧窮六籍允矣

帝王之學道貫一中奠寶籙於清寧垂拱二十三載告

成功於天地度越七十二家五玉時巡四靈應

瑞肆登山而觀海流峙合乎高深洵玉振以金
聲條理集乎終始瞻言東國鬱彼尼山草木生
輝紺碧偏迎雉扇關河壯色雲霞故繞

龍驂肅萬姓之觀瞻

天顏有喜揚千秋之俎豆

聖域維新竊聞魯頌聿興史克猶宣其懿晉雍大啓
王庾實逞其辭凡屬侍從之臣率致媚茲之誼
況以

太平聖主

駐警蹕以鏘鏘

一統興朝濟冠裳而穆穆

皇子時邁民用見休

帝庸作歌士知烝教湛恩畢被元氣常調私自媿於臯

賡無能揆藻或託言於李賦敢學抽思小臣謹

拜手稽首而獻賦曰

誕

聖歷之當陽方甲子之乘令披輿圖而建中旋斗杓以
齊政沂河洛之淵源灼日月之衡鏡山嶽效其
靈祥海波旭其澄映濮鉛祝栗跨浮爾雅之編
析支扶桑旅合山經之賁自生民來未有斯盛
迺居高而善下每謙尊而愈撝續左圖與右史
載殷銘與周規拱默思乎至道恭己正乎無為
浴彼

素王之位永維帝者之師麟文降於五老日角參夫

二儀畫萬古之長夜鑄五百之昌期刊禮樂而
垂槩敦詩書而指迷樹四維於寰壤放百家之
支離盼楹堦其未遠緬羹牆其在茲爾乃

宣太常

召典謁萬騎從千官列建朱纛之縻纚泣

翠華之崑岷南浮江瀆而百谷朝宗東指云亭而羣
山拱笏父老扶杖以聚觀士民舉手而加額望
我

后其來蘇胥會同之有繹時則黃鐘應律玉琯回陽

龍旂電閃

鳳輦雲翔鞠陵清蹕羲和麗光觀瀾泗水之澳考德

昌平之鄉上公擁其魚佩多士肅其鵷行紛此

臣庶儼若堵牆霽

天和其粹藹煥袞衣而喬皇於是百司虔衆典萃八簋

舒芬四璉濯器犧象陳尊釶羹染翠牲牢協乎

三犧鬱鬯調於五齊

天子齊宿行宮潔蠲睿志望樞星而

輦降陟奎文而

趾賁熊羆朱虎踴躍以趨墀風收常鴻濟蹌而奉幣
道從拾級智崇效天拜絀

九旒禮卑法地聲容選和崇牙設肆兩階干羽抑揚
來鳳之儀九奏韶英振響鈞天之製彩眉圩頂
近即形容鳳峙龍蹲式承車笥貌同寢廟之觀
禮得郊丘之次上儀告徹甲帳停騶嵩呼遶幄

扈從鳴球開

講筵之玉潔朗音節之虹流三綱總其條貫八卦理其剛柔直探珠於驪海真得窟於冥按仰

宸聰之注聽覃鋪對之闕休

天子曰都余其思沃聖真神游理軸乃令褒成侍從魯生前躅旋發

龍行縱舒

天目周數仞之宮牆撫孤幹之奇木文磨屢代之碑器

檢重茵之櫝觀遺像之森嚴竚

皇衷之遽穆踞寢殿之層階涖大成之廣屋齋

宸翰兮輝煌展綈綈兮芬馥師表推尊琬琰蜚縟鳳騰

日下翅艷左盤龍奮雲衢鱗紋右威凌蒼史而

上游走鍾王而下伏聳雕甍而壯觀燦崇櫺而

互矚曲蓋懸庭黃離映煜恍魏闕以爭輝渾合

宮其並矗爾迺玉墀迴武贊殿遙臨碣蟠螭而

飛動文撰蚪以晶瑩摩挲曳其奔電討鑒明於

曙星

諏過庭之芳躅

聆經壁之徽型疏壁水而枯潤漱綺井以霞生天函
光而欲笑雲擁幄以如帡遂開寶軸

特賁瑤瓊發宮商之逸響戛金石以成聲

製賦則卿雲爛漫

歌詩則寶鼎崢嶸光耀離奇駕軼禹謨堯典琳琅綵
績鋪張周頌商銘信超今以邁古喜

君拜而臣賡於是

駕飛虬馳鳴翺曦赫揚旌飛廉吹檜萬姓雲屯五陵
星會洙水停軒墓門卻蓋端手率乎羣公馨蒞
虔夫三酌顧楷木而辨羣芳掬永臺而占五泰
荆茅自剪未勞張伯之除芳草辭彫不羨康成
之帶石儀森立邀清盼以留連文豹隱姿迎芳
塵而馥馥爾乃

朱轂輶

鴻恩漫有號斯渙若露方溥解金貂之外潤美粹腋之
中單龍文煥其霞綺寶鏹蔚其星寒既類族以
畀寵復因材而錫鞶家有藏書之賜人沾復賦之寬五
姓則齊暄冬日舉邑則盡載春盤

天子方顧瞻乎矍圃徘徊乎杏壇問石龕於五父記雉
門於兩觀陟高山兮仰止羨逝水兮潔瀾
特眷言於拭几曾不忍乎

迴鑒懷至人之符夢思姬相之建官臚祀典兮

申命紹承休兮履端蓋惟

先聖崛起後王是則學開三堂訓盡九國薪傳詩禮
之庭富有道德之域是以軒輊凜於著存藻寬
修其祇翼饗室聞乎宋儀守戶傳於漢式然或
備物則常鮮質時絀則難舉豐欣逢

聖代祇直堯封正學崇乎四術巨典盛乎三雍奕奕崆
峒之駕雖雖在鎬之鐘指南之車兮絕徼金貝
之譯兮來重疇不列膠宮之子弟襲上庠之雍

容爾惟師尹順成海宇無事戶登滋水之區物
蘊華胥之意稽古禮文恢皇

聖制升靈臺而望雲開明堂而坐治聽華封之三多聳
皇圖於萬禩

幸魯頌有序

翰林院編修臣張希良

皇上御極之二十三年甲子冬際一元之昌期宇內乂
安聲教肆訖海隅日出之表罔不朝重譯效車

書遣其子弟受學成均當是時文治蒸蒸聲明黼黻之盛極史冊所未有

天子乃駕六龍巡省東土沉璧九河復禹舊迹告成岱宗所過飭長吏察風俗之貞淫民生之休戚布德施惠頌聲作焉尤念聖人百世之師生民以來

孔子為盛

予一人學其學心其心景行在望而未嘗一造其里於

典缺如爰勤

鑾輅瞻魯邦而戾止焉是日也城郭歡迎山川開霽
天文重麗地軸若回乃屈

九五之尊降

輦入門攝衣下拜樂舞備陳牢醴豐潔旋

御講堂命諸生鼓篋陳書解說大義圜橋觀聽分若
堵牆已而

移蹕聖林顧瞻松檜經石壇及昔賢築室處優如見

聞於是

特灑宸翰為萬世師表四大字揭之殿楣繼之以詩歌
天章雲篆巍然煥然禮成加

賜孔氏五經博士二人恩賚各有差越二年復

御製孔廟碑文自為書礪西山之珉輦致杏壇下凡宣
聖泉林遺蹟皆為碣以表之皇哉自古崇儒重
道之典無以加矣臣惟書曰天佑下民作之君
作之師大學之教自格物致知誠意正心修身

而推之及於治國平天下內聖外王未有不出
於一者也顧自昔帝王既以身兼君師之任矣
猶不自滿假隆重師儒以助流政教而且以風
天下之人若崆峒之勤蒲衣之拜丹書之受洪
範之訪豈不焜燿史冊所屈者在一身而所伸
者在千秋萬世哉後世不知此義故孔子雖聖
而當時君公無能尊顯之惟漢高過魯祀一太
牢詔諸侯王卿相至郡先廟謁而後從政先儒

以為漢氏四百年基業蓋在於此晉唐以下祇
循舊典雖文宣有加諡之冊大成有追封之詔
然未有如我

皇上見聖之真味道之切弘文異數度越百王如斯舉
者夫由孔子而上以帝王為師君與師合者也
由孔子而下以匹夫為師君與師分者也道統
遞沿而下其勢必還天生我

皇上以繼二帝三王精一執中之統而合君師之大成

夫豈偶然哉小臣遭逢

聖明雖雕朽莫贊而寸草有心謹拜手稽首而獻頌曰
太極絪縕道源始判聖聖相承同條共貫維姬
既東蔓草斯歎不有尼山長夜孰旦刪定贊修
日星雲漢位則人臣百王是冠峩峩闕里聖人
所宮講壇肅穆廟貌穹窿漢宰唐奠其典則崇
遙遙間代志趣未同祀柱下宅拜河上公金人
結夢瑤母墮躬學雜二氏有聖莫宗瞻尼望魯

疇來自東於爍我

皇視道如咫尺堯羹舜牆左圖右史藻斧六經清和萬理

尼山在心猶勤

玉趾柴岱觀河雷行風靡

豹尾黏天

龍旂拂水徂徠猶青鳧嶧乍紫孔思方興魯邦爰底

五老迎

鑾二龍承

青松檜忽春低枝藉履降

輦入門肅肅以止樂舞備陳牢醴盡侈俎列雲雷尊
排山壘穆穆商彝沉沉周錡濟濟冠裳環階夾
祀再拜升堂為道屈已還看兩楹依依昔時壁
啓靈光堂隱金絲顏曾劍佩堯禹鬚眉麟書鳥
瑞紅杏緇帷甕經漢發硯載隋遺履灰猶焰檜
幹潛滋百靈奔奏莫不獻奇里果何闕文實在
茲盛祀既成講堂爰

御博士橫經諸生展疏鵠立鳧趨恭聞

天語充宗奪氣戴憑失據三千莫贊七十非助車服具

陳禮器咸覩橋門隘觀解頤張欵

皇心未已載瞻聖林蹕亭縹緲輦路陰森鈎衣鮮棘巢
樹無禽緬彼良木景茲高岑石壇流憩想像益
深治民垂教異代同心白兔起舞赤虹下臨有
稽自昔有廬至今魚躍鳶飛

皇心蚤契

天葩所流遂成巨製猗蘭生香龜山掃翳墨海更開飛
白以繼師表特崇永茲萬世耑鳳翔鸞烟霏露
綴從臣橋古但有旁睨碧落高標星辰拱衛煌
煌懋典奕奕

恩綸漢置百石宋賜出身以方今日夫豈其倫家宗濂
洛人識關閩帶經脫劒郁郁彬彬珠囊玉鏡洛
貝河鱗天不愛道地不藏珍登世三古綿歷億
春小臣作頌實愧鏤塵

甲子冬日

上躬祀闕里復

親詣孔林恭紀

翰林院編修臣汪灝

大道崇

元后斯文重素王三吳迴

御轡千里望宮牆地溯仙源遠雲橫岱岱長

翠華明晚照

陸楯動朝霜

蹕駐尼山煥旌臨闕里光明裡虔釋奠瞻拜肅登堂
特勅尊師禮居歆明德香春秋心在望禮樂器還藏

御蓋留

殊錫

宸章示表揚徘徊宮殿外指顧寢園旁撫檜思親植觀
川悟在梁楷林邀盼睐著徑被輝煌古井探沉
碧霜松賞鬱蒼

皇情真悅懌

睿藻更飛翔咳唾傾珠玉鏗鏘叶羽商一時成鉅典萬
古振宏綱廟貌幾千載登封惟九皇杏壇常寂
寂泗水自湯湯不有

天章燦誰令聖道彰右文稱上治永卜

帝圖昌

聖駕幸闕里頌

并序

翰林院編修臣徐元正

皇帝御極之二十有三年甲子壽域遐開仁風丕暢民
俗和樂農穀殷昌薄海內外罔不臣順賓贄稽
首來庭文德漸被訖於遐邇巡喬由翕百神懷
柔

皇帝念至治休明衷乎聖道道統之盛生民迄今莫

孔子若神京去曲阜千有餘里緬惟風教薰德若鄰
必秩隆儀修殊典乃可以光四表而型百辟於
時霜野獲雲稼登爰

命鑾輅發自燕郊從官衛士後先肅伍龍旂鳥旗飛揚
晻藹山氓田叟咸得迎覲

清光懽忭率舞於道既詣闕里

皇帝將有事於廟堂望見櫺星門即下輦行衍聖公孔
毓圻等伏地叩頭云

天子禮不當如是固請升輦不許遂步入大成殿瞻

先師像容下拜行釋奠禮豆籩靜嘉罇酒旨潔薦裸

降登即事益虔祀畢

御詩禮堂命聖裔進講稱善

賜官博士

皇帝以聖道至大莫可名言敬題萬世師表四字以垂
示永永

親灑宸翰銀鈎爛然又製五言詩書賜毓圻撤

鹵簿中御蓋俾藏諸廟儼翼翼尊歷代罕覩仍步出
廟門門外故有井汲水親嘗見羹牆也泮池欲
涸命工疏之樂芹藻也旋

駕更幸聖林祇拜如詣廟時維草則著維木則楷離奇
葱蒨撫之掇之留憩彌久會周公裔孫東野沛
然援四氏例請加封爵

制曰可

皇帝於孔氏既崇其先厥後宜賚

特賜衍聖公及博士裘各一襲諸子姓白金各五兩盡

復曲阜一歲田租於是東魯父老覩斯盛者莫

不欣踴歎嗟僉稱

聖天子重道崇師推恩及物曠古未有此治與道偕隆
君與師兼作蓋非孔氏一家之私榮直邦家之慶而史
冊之光也毓圻等次第其事編輯

幸魯盛典書成臣元正遭逢

聖世父子咸沐

鴻恩並列禁近臣父倬又嘗承乏西雖習覩

皇上尊師重道之盛遂不自揣其詞之猥瑣而系之以

頌曰

於爍景運元會維新黃鐘迴律

大輅東巡瞻言泰岱孕靈降神揭揭

宣尼東道師尊廟貌闕里星拱北辰

止輦升堂

睿容肅溫

至尊北面而拜哲人釋奠有恪潔茅繁蘋璇題藻句皆

探本真

聖克知聖匪直以文遂灑

宸墨爛若星雲詣謁林墓徒御星奔靈著歲蕤古楷輪
茵撫茲卉植手澤未湮崇祀弘澤延及後昆蠲
祖賜復式道推仁周魯故國姬宗麟振予以世
秩實創厥

恩舉其大者卓於千春士走相告幸邁休明

聖作於上愚敢不承敷於四海至治烝烝式昭盛典萬
禩準繩

幸魯盛典卷二十九